



374

Broj: 03-03-05-7811/18
Sarajevo, 26.02.2018. godine

SKUPŠTINA KANTONA SARAJEVO
N/r predsjedateljice, prof. Ane Babić

PREDMET: Odgovor na zastupničko pitanje zastupnika Marić Zvonka,
dostavlja se -

Na 37. Radnoj sjednici Skupštine Kantona Sarajevo, održanoj 31.01.2018. godine, u okviru tačke dnevnog reda "Zastupnička pitanja, inicijative i odgovori", zastupnik u Skupštini Kantona Sarajevo Marić Zvonko postavio je zastupničko pitanje, koje glasi:

"Zahvaljujem Skupštini Kantona Sarajevo i odboru za žalbe javnosti na dostavljenim odgovorima, ali izražavam nezadovoljstvo sa neodgovoranom pitanjem o nacionalnom sastavu Odbora za žalbe javnosti i ponovo tražim odgovor na to pitanje, jer član 4. stav (3) Pravilnika o uvjetima za imenovanje i razrješenje članova Odbora za žalbe javnosti ("Službene novine Kantona Sarajevo", broj 43/16) i člana 64. stav (3) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) uvjetuje da sastav Odbora odražava nacionalni sastav stanovništva iz 1991. godine na teritoriji koju obuhvata Kanton Sarajevo. Stoga bez obzira ko je nadležan da obezbjedi tu informaciju, bio to sam Odbor, Skupština Kantona Sarajevo, MUP Kantona Sarajevo tražim da mi se dostavi tražena informacija, te molim ministarstvo pravde Kantona Sarajevo da protiv odgovornog državnog službenika pokrene disciplinski postupak jer informacija nije dostavljena na vrijeme kako to Poslovnik Skupštine Kantona nalaže".

ODGOVOR:

Analizirajući navode zastupničkog pitanja može se zaključiti slijedeće: Odredbama člana 64. Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) je propisano da se Odbor za žalbe javnosti (u daljem tekstu: Odbor) osniva kao nezavisno tijelo Skupštine Kantona Sarajevo koje čine tri člana, od kojih je jedan član državni službenik kantonalnih organa uprave, a dva člana predstavnici građana od kojih je jedan predsjedavajući Odbora. Odbor imenuje Skupština Kantona Sarajevo na prijedlog Komisije za izbor i imenovanja Skupštine Kantona Sarajevo. Sastav Odbora odražavat će nacionalni sastav stanovništva na teritoriji koju obuhvata Kanton prema popisu stanovništva iz 1991. godine, te će se voditi računa o spolnoj zastupljenosti. Administrativnu i tehničku podršku u radu Odbora pruža Skupština Kantona Sarajevo koja osigurava i naknadu za rad članova Odbora.

Imajući u vidu navedene odredbe zakona, Ministarstvo pravde i uprave Kantona Sarajevo nije nadležno da protiv državnog službenika pokrene disciplinski postupak zbog nedostavljanja informacija zastupniku u roku kako to propisuje Poslovnik Skupštine Kantona Sarajevo.

S poštovanjem,

Dostaviti:

1. Službi za skupštinske poslove Kantona Sarajevo,
2. Stručnoj službi Vlade Kantona Sarajevo,
3. a/a.

MINISTAR

Mario Nenadić



web: <http://mpu.ks.gov.ba>
e-mail: pravda@ks.gov.ba
Tel: + 387 (0) 33 562-083, Fax: + 387 (0) 33 562-241
Sarajevo, Reisa Džemaludina Čauševića 1

